

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0021644 22
Sarajevo, 13. 05. 2022. godine

SUD BOSNE I HERCEGOVINE
Odsjek I za ratne zločine
-Sucu za prethodno saslušanje-
- na broj: S1 1K 042361 22 Krn -
SARAJEVO

Na temelju odredbe članka 35. stavka 2. točka i), članka 226. stavka 1. i članka 227. stavka 1. Zakona o kaznenom postupku Bosne i Hercegovine, podižem:

О П Т У Ж Н И Ц У

PROTIV:

■ MILENKA SAMARDŽIJE zvanog „Travka i Žabac“ ■
■ rođenog ■ 1964. godine u mjestu Travnik, općina Travnik

BiH,

državljanina

■ KOSTE STANIĆ zvanog „Kole“ ■
rođenog ■ 1970. godine u mjestu Sokolac, općina, Sokolac, ■

Tužilaštvo - Tužiteljstvo Bosne i Hercegovine, ul. Kraljice Jelene br. 88, Sarajevo;
Telefon: ++ 387 33 483 700; Fax ++ 387 33 707 463; e-mail: info@tuzilastvobih.gov.ba

državljanina BiH,

Što su:

Kršeci pravila međunarodnog prava sadržana u članu 3. IV. Ženevske konvencije o zaštiti građanskih lica za vrijeme rata od 12. kolovoza 1949. godine, članka 13. stavak 2. u svezi sa člankom 4. stavak 2. točka a) Dopunskog protokola uz navedenu konvenciju o zaštiti žrtava nemeđunarodnih oružanih sukoba od 08. lipnja 1977. godine (Protokol II), za vrijeme ratnog stanja u Bosni i Hercegovini, kao pripadnici Specijalnog voda Ministarstva unutrašnjih poslova Republike Srpske (MUP RS) – Sokolac, zajedno sa više lica, svjesno i voljno učestvovali u lišenju života civila bošnjačke nacionalnosti, iako ta lica ni na koji način nisu učestvovala u neprijateljstvima i vojnim operacijama na način da su:

1. Milenko Samardžija i Kosta Stanić - zajedno

Dana 24/25.09.1992.godine, po prethodnom dogovoru, Stevo Bokarić (rezervni radnik Sektora Državne bezbjednosti (SDB) Republike Srpske (RS) Bijeljina) (ranije optuženi), Živan Miljanović (pomoćnik komandira Stanice milicije (SM) Bijeljina) (ranije optuženi) i Duško Malović (preminuo) komandir Specijalnog voda MUP-a RS, u kasnim večernjim satima u prostorijama Stanice javne bezbjednosti (SJB) Bijeljina, u namjeri da iz bijeljinskog prigradskog naselja Bukreš, iz njihovih kuća protuzakonito izvrše odvođenje i ubistva kompletnih porodica bošnjačke nacionalnosti [REDACTED], pa tako Stevo Bokarić, koji je inače stanovao u naselju Bukreš i koji je u prethodnom periodu vršio zastrašivanje osoba bošnjačke nacionalnosti iz tog naselja sa ciljem da isti napuste svoje kuće, na listu papira komandiru specijalnog voda MUP-a RS Dušku Maloviću je nacrtao kuće i napisao brojeve kuća porodica [REDACTED] nakon čega je istom rekao „da niko ne smije ostati u tim kućama,“ da bi Živan Mijanović, kao pomoćnik komandira SM Bijeljina, s ciljem da se osigura neometano izvođenje kompletnih porodica [REDACTED] iz njihovih kuća od strane pripadnika Specijalnog voda MUP-a RS, u holu SJB Bijeljina naredio dijelu pripadnika interventnog voda SM Bijeljina da odu na lokaciju uz cestu u blizini naselja Bukreš kako bi osigurali put na način da niko ne može prići naselju Bukreš iz pravca grada Bijeljina, dok je drugom dijelu interventnog voda, u prisustvu dvojice pripadnika Specijalnog voda MUP-a RS naredio da se stave na raspolaganje Specijalnom vodu MUP-a RS-e, da bi zatim naredio pozornoj patroli koji su došli na smjenu u 22.00 sata, i kojem pozornom rejonu je pripadalo naselje Bukreš, da do daljnjeg ostanu u SJB Bijeljina dok od njega ne dobiju sljedeću naredbu, da bi za to vrijeme pripadnici Specijalnog voda MUP-a RS i to Milenko Ećimović zvan „Kroka“ (preminuo), Slavenko Kočević zvan „Kino“ (ranije optuženi), Ljubo Marković zvan „Kleco“ (ranije optuženi), [REDACTED], Zvonko Pržulj, zvan „Blento“ i „Đonto“ (ranije optuženi), **Milenko Samardžija zvan „Travka“ i „Žabac“, Kosta Stanić zvan „Kole“** i još jedan broj njima poznatih pripadnika te jedinice, većinom obučeni u tamne uniforme, naoružani automatskim i drugim oružjem, neki od njih po licu namazani maskirnim bojama na čelu sa komandrom voda Duškom Malovićem, kojima se u prostorijama stanice pridružio Goran Sarić (inspektor Uprave za poslove i zadatke milicije Ministarstva unutrašnjih poslova (MUP) Republike Srpske) (ranije optuženi) obučen u maskirnu uniformu, naoružan automatskim oružjem sa prigušivačem, koji nije bio namazan po licu maskirnim bojama, kao i Jovica Petrović (ranije optuženi) i Mirko Simić zvan „Dizna“

(ranije optuženi) pripadnici interventnog voda SJB Bijeljina, sjeli u vozila formirajući kolonu u kojoj je bio civilni kamion „Tamić“ te vozila „Puch“, pincgauer, vojni kamion 110-tka te putničko motorno vozilo bijele boje Toyota Corolla, da bi formirana kolona vozila izlašla iz dvorišta SJB Bijeljina i otišla u pravcu nekoliko kilometara udaljenog naselja Bukreš, pa kada je kolona došla u naselje Bukreš ista se zaustavila uz i pored kuća porodica [REDACTED], iz vozila izašli pripadnici specijalnog voda MUP-a RS, kao i osobe koje su im se pridružile, naoružani automatskim i drugim oružjem, da bi jedan dio njih ušao u kuće navednih porodica, a drugi raspoređeni po cesti ispred kuća, pod izgovorom da porodice vode na razmjenu u Janju, a u namjeri da iste liše života, svjesno ih obmanuli, pa su tako protuzakonito iz njihovih kuća izveli sve članove porodica [REDACTED]

[REDACTED] ukupno njih dvadesetdvoje (22), koji su izašli u tišini i kojima potom naređuju da se popnu na transportni dio već pripremljenih kamiona, te nakon što su članovi porodica [REDACTED] tu naredbu i ispoštovali i odvedeni iz svojih kuća u naselju Bukreš, Živan Miljanović izdaje naredbu pozornoj patroli koju je već zadržao u SJB Bijeljina, da ta patrola krene u Bukreš i vrši obezbjeđenje kuća iz kojih su izvedene porodice, koje su u formiranoj koloni vozila iz naselja Bukreš krenula prema gradu Bijeljina, skrenula prema Katoličkoj crkvi i otišla u pravcu naselja Balatun, da bi dolaskom u naselje Balatun skrenula sa glavne ceste i sporednim makadamskim putem došla na lokaciju uz rijeku Drinu gdje se zaustavila a kamion na kojem su bili civili se zaustavio tako što je zadnja strana istog bila okrenuta prema rijeci Drini, nakon čega civili po naređenju izlaze iz kamiona u manjim grupama, da bi odmah po izlasku bilo pucano u iste iz automatskog oružja kao i iz oružja tzv „sačmarica“ od strane Duška Malovića, Milenka Ećimovića zvanog „Kroka“, Gorana Sarića, **Milanka Samardžije zvanog „Travka“ i „Žabac“**, Jovice Petrovića, Mirka Simića zvanog „Dizna“ te još jednog manjeg broja njima poznatih osoba, nakon čega tijela ubijenih padaju u blizini kamiona, dok su za to vrijeme ostali pripadnici Specijalnog voda MUP-a među kojima Slavenko Kočević zvan „Kino“, Ljubo Marković zvan „Kleco“, [REDACTED] Zvonko Pržulj zvan „Blento“ i „Đonto“, **Kosta Stanić zvan „Kole“** i drugi njima poznati pripadnici te jedinice, naoružani automatskim oružjem, stajali raspoređeni lijevo i desno od kamiona sa porodicama da bi spriječili pokušaj bijega civila prije nego su svi ubijeni, a komandir Specijalnog voda Duško Malović je naredio da se tijela civila bace u Drinu, po kojem naređenju, nakon što su civille lišili života, njihova tijela bacaju u rijeku Drinu, a potom su sjeli u vozila i vratili se u noćnim satima u SJB Bijeljina a tijela ubijenih civila su nakndano pronađena i izvađena iz vode i ukopana većinom na lokalitetima općine Sremska Mitrovica, Republika Srbija, zatim ekshumirana, identificirana i sahranjena osim 4 tijela i to: [REDACTED]

[REDACTED] koja do danas nisu pronađena.

Čime bi počinili:

Kazneno djelo Ratni zločin protiv civilnog stanovništva iz članka 142. stavak 1. u svezi sa člankom 22. Kaznenog zakona Socijalističke Federativne Republike Jugoslavije.

2. Milenko Samardžija - sam

Dana 11.09.1992.godine, u popodnevnim satima, nakon što je policijska patrola SJB Bijeljina privela [REDAKTIRANO], u jednu od kancelarija u prizemlju SJB, istog tukao, usljed čega je [REDAKTIRANO] pao na pod, da bi se istog dana oko 18.20 sati zajedno sa dijelom pripadnika Interventnog voda Stanice javne bezbjednosti (SJB) Bijeljina, među kojima su bili Jovica Petrović i Mirko Simić zvani „Dizna“ dovezao policijskim kombijem tzv. „marica“ do kuće u kojoj je živio [REDAKTIRANO] u bijeljinskom naselju [REDAKTIRANO], te učestvovao u njegovom privođenju do SJB Bijeljina gdje su ga ostavili u jednoj kancelariji u prizemlju SJB Bijeljina, da bi istog dana oko 19,00 sati, zajedno sa gore imenovanim pripadnicima Interventnog voda SJB Bijeljina dovezao policijskim vozilom tzv. „marica“ u Majevičku ulicu ispred prostorija KUD „Semberija“ te naredio [REDAKTIRANO] da treba da poči na informativni razgovor u SJB Bijeljina, što je [REDAKTIRANO] i učinio te ušao u policijsko vozilo „marica“, te su se svi zajedno odvezli policijskim autom u SJB Bijeljina gdje su ga ostavili u istoj kancelariji kao i [REDAKTIRANO], da bi ih potom ispitivao, kojom prilikom ih je pretukao tako da su na sebi imali vidne tjelesne povrede u vidu modrica, da bi u večernjim satima istog dana, naredio prisutnim pripadnicima interventnog voda SJB Bijeljina da svu trojicu oštećenih stave u policijsko vozilo tzv. „marica“, smještajući ih u zadnji dio vozila, te naoružan vatrenim oružjem, puškom tzv. „kratež“, sjeo u policijsko vozilo „marica“, zajedno sa dijelom pripadnika interventnog voda, među kojima su bili Jovica Petrović i Mirko Simić zvani Dizna, [REDAKTIRANO] zatim se uputio prema naselju Batković, općina Bijeljina, da bi po izlazu iz Bijeljine naredio da se vozilo uputi prema naselju Balatun, gdje je vozilo, nakon što je stiglo do tog naselja, skrenulo desno kod mjesne crkve i nakon kraćeg vremena se zaustavilo uz samu obalu rijeke Drine, da bi potom [REDAKTIRANO] grubo izveo iz vozila na obalu rijeke Drine, gdje su popadali na zemlju, te nakon što je jedan od njih rekao „nećete nas valjda ubiti“, iz neposredne blizine pucao u njih iz vatrene oružja tzv „kratež“, te svu trojicu lišio života, a potom sjeo u vozilo „marica“ i zajedno se sa gore navedenim osobama vratio u SJB Bijeljina, da bi tijela ubijenih [REDAKTIRANO] naknadno bila pronađena i izvađena iz vode, te ukopana na lokalitetu općine Sremska Mitrovica, Republika Srbija, zatim 2002 [REDAKTIRANO] i 2003 [REDAKTIRANO] godine ekshumirana, identificirana i sahranjena, dok tijelo [REDAKTIRANO] do danas nije pronađeno.

Čime bi počinio:

Kazneno djelo Ratni zločin protiv civilnog stanovništva iz članka 142. stavak 1. Kaznenog zakona Socijalističke Federativne Republike Jugoslavije.